



**Ordinantie sConincs ons gheduchts Heeren, waer by
verboden ende gheinterdiceert wert, allen afghedanckte
knechten of soldaden ende ander crijchsvolck, voirtaen
eenighe wapenen ten platten landen, oft achtervelde te
draghen, dan allenlic heure ordinairisse**

<https://hdl.handle.net/1874/8916>

Ordinantie Conincs

ons gheduchts Heeren, waer by verboden en
 gheinterdiceert wert/ allen afghedachte knechten of
 soldaden/ ende ander krijchsvolck / voirts aen eeni-
 ghe wapenen ten platten lande/ oft achter
 velde te draghen/ dan alleenlic heure or-
 dinairille wapenē/ als rapiere en
 poingiaert / op pene etc.

Dat yoor van stonden aen vertrecken elck sut zyne
 op pene etc. Voirts dat niemant vande selue
 noch eenighe andere/ hen en veruoirderē
 te trecken inden dienst van eenighe
 vromde Printen/ Kurfsten/ etc.



Tē Ghendt,
 Op Jan van den steene d'aude/ wonen op
 Sinte Pharahilden plaetse. Anno

1567.

Cum Priuilegio.

By den Conijck.

ONsen lieuen ende ghetrouwen die President ende luyde van onsen Raede in Vlaenderen / saluyt ende dilectie.

Alsoe wy behoorlichen onderricht zijn / dat vele en verscheyden afghedaente knechten / oft soldaden / die ten tyde vande voorleden troublen en beruertē in onsen dienst gheweest hebben / hen vy tplat landt outhoudende zijn / ende tselfde vuytteenen / tot grooten last ende quette van den huyfman / ende van onse schamele onderlaten / twelc wy gheenins en dijnken te lijden onder dissimulatie.

So eist / dat wy willende daer inne versien / tot verlichtinghe ende soulaigemente van onsen goeden ondersatē: **D**ontbieden ende beuelen wel ernstelichen / dat ghy terstondt ende zonder vertreck / doet vuytroepen ende publiceren / alomme binuen de steden ende plaetsen van onsen lande ende Graeffschepe van Vlaenderen / daermen ghe woonlick is vuyt roepinghen ende publicatien te doene: **E**nde van onsen wegghen scherpelick ghebieden ende beuelen allen afghedaente knechten oft soldaden / dat si van stonden aen ende metter vliet / hen vertrecken elck int yne / te weten: de ghene diemen vuyt de frontier steden of sterckten ghenomen heeft / ter plaetsen van huere garnisoene: **E**nde dander in onsen dienst niet meer wefende / sullen hen stellen ende begheuen om hun handwercken / ambachten / ende neeringhen te doene: **O**p pene indien de selue beuonden worden meer achter lande herwaerts ende derwaerts te loopen / dat sy daer van als vagabonde ende ledich ganghers ghestraect en gherouigeert sullen worden.

Verbiedende ende interdicerende allen knechten/soldabē
 ende ander crijchsvolck / voirtaen eenighe wapenen ten
 platten lande/ oft achter veldte te draghen/ dan alleenlijck
 heure ordinarisse wapenen/ als rapiere ende poingiaert:
 op pene van confiscatie ende verbeurte der seluer wape-
 nen/ ende van arbitralen straf of punitie.

Voirts/ alsoo wy gheinformeert zijn / dat vele van de
 voirselde afghedanckte knechten oft soldaden ende aude
 re/ hen daghelicx in Franckrijck ende elders vertrecken/
 om hen aldaer in besoldinghe ende crijchsdienst te beghe-
 uen/ ende laten aenschrijven: twelck van seer quader con-
 sequentien is/ ende gheenmins te lyden en staet.

Zo verbieden ende interdiceren wy in ghelijco wel scher-
 pelick/ dat niemant vanden seluen knechten/ noch eenige
 andere/ hen en veruoirderen te trecken/ erghen/ oft stel-
 len inden dienst van eenighe vromde Princken/ Kusten/
 Heeren/ Steden oft landen/ hoedanigh die wesen moghē/
 zonder onsen oirlof ende consent: Willende ende ordi-
 nē dat de ghene die alreede vertrocken zijn/ binnen veer-
 thien daghen nae de publicatie van desen/ in onse landen
 van herwertsover wederō keeren: op verbeurte van lijff
 ende goet/ indien zy ter contrarien deden: Ende tot on-
 derhoudenisse ende obseruatie van onse teghenwoirdige
 ordinantie ende verbot/ procedeert ende doet procederen/
 teghens den ouertreders ende onghehoirsame/ by execu-
 tie vanden penen voirschreuen: Lastende ende beuelesē
 particulierlijcken allen Riechteren/ Justicierē/ Officierē/
 ende Amptlyuden/ zo wel den onsen/ als dyen van onsen
 vasallen/ dat zy rigoreuselick procederen teghens den ge-
 nen die hen veruoirderen zouden daer teghens te doene/
 bi executie vande penen voirschreuen/ zonder eenige gun-
 ste/ dissimulatie oft verdrach: op pene datmen tselue op
 hen verhalen sal: Des te doene met diesser aencleest/ ghe-
 uen

Julius Maizy T

uen wy u ende den voirsayden Rechteren / Justicieren /
Officieren / ende Amptlieden / volcommen macht / aucto-
riteyt / ende zunderlingh beuel. Ontbieden ende beuelē
allen ende eenenpeghelicken / dat si u ende hen zulcs doeff
ernstlich verstaen ende obedieren : Want ons alsoo ghe-
lieft. Ghegheuen in onser stadt van Brusselle onder on-
sen contreseghel hier op ghedruckt in placcate / den xiiij.
dagh van Septembri 1567. Zienentestlich.

Onder stont ghescheuen : By den Conijck in sijnen Rade.
Ende gheteckent : d'Ouerloeppe.

Ghepubliert in Consistorie vā
den Raede in Vlaenderen, den
xxij. Septēb. 1567. P. Beuere.



Typis Manilij.